



Niuertarfinni iluanaaruteqartarneq pillugu inatsisissatut siunnersuummik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaqaq Doris J. Jensen, Siumut)

(Siullermeerneqarnera)

Qujanaq siunnersuummut.

Demokraatit kiffaangissuseqarluni niuernermit isumaqataasorujussuuvoq. Isumaqarluinnarpugut, kiffaangissuseqarluni niuerneq imminut naleqqussartartoq, atuisunut akit pitsaanerpaat qulakkeerniarlugit. Aamma tamanna atugassanik niuernermit atuuppoq.

Atugassanik niuernermit iluanaaruteqarnermit inatsisiliornissamik siunnersuut una sananeqarpoq atuisunut akit apparsimaartinnissaat siunertaralugu, taamaattumillu tapersernarluni. Demokraatinili isumaqanngilagut, iluanaaruteqarnermit inatsit aqqut eqqortuusooq akit apparsimaartinnissaannut. Iluanaaruteqarnermit inatsit allaffissornikkut akuliunneruvoq pisiniarfiutillit ingerlatsinerannut, aammalu kiffaangissuseqarluni niuernermit annertuumik akulerunnerulluni. Tamanna akuersaarsinnaanngilarput.

Taamatut oqareerluta, siunnersuuteqartoq isumaqatigaarput uani, ulluinnarni atorfissaqartitat akiisa qaffasinnerisa inuuniarneq inuunerissaarnissaraluaq apparsartarmagu aammalu nunatsinni ilaqutariit ulluinnat. Taamaattumik ukkatariuartaqarparput, taassuma pinaveersaartinnissaa. Demokraatini siusinnerusukkut uani qinersivimmi akuersissutigittinnikuurput akitsuutit apparlugilluunniit peerneqarnissaat soorlu assersuutigalugu neqinut, kaffinut pinnersaatinullu. Tamanna ingerlavik pitsaasoq, kiffaangissuseqarluni niuernermit kalluaanngitsoq.

Taakku saniatigut aamma immaqa qissimigaarsinnaavarput nassiussinermit akit qaffasissut iliuuseqarfigisinnaanerlutigit, ulluinnarni atorfissaqartitatta akitsorsaataanerannut ilaasut. Immaqa unamillernermit taakkununga tunngasunik ammaagutta?

Aamma aporfiit ilai peersinnaavagut, namminersorlutik inuussutissarsiortut nunani allani Danmarkip saniatigut pisiniarsinnaanerannut aporfiusut? Misissugassaqqippoq, sooq namminersorlutik inuussutissarsiuteqartut pingaartumik Danmarkimut pisiniartarnersut, ulluinnarnik atortakkagut uppersaatalimmik nunani allani uffa akikinnerusut.

Iluanaaruteqartarneq pillugu inatsit ajornartorsiummik aaqqiissutaassanngilaq ulluinnarni atortakkagut taama akisutigittillugit, taamaattumik siunnersuutip itigartinneqarnissaa innersuussutigaarput.